

庚子日記
(一)

臺灣學
生書局
印行

庚子日記
(二)

臺灣學
書局
印行

中國史學叢書
續編

庚子日記全二冊

庚子日記序

光緒三十年四月二十四日給諫兄樞歸自京師楷舟
迎於瀘東豸角山下臨江一慟身世皆空舟中惟一書
麗啟之有吾兄手錄庚子日記四冊兵燹中片紙不能
購故以舊門簿書之讀數過覺忠愛之忱堅勁之氣聽
言料事之智靡不流露而大局之轉移人臣之節概辨
別尤爲精審從子鉞曰春初出都張治秋尙書索去數
日謂可刊布于晦若京卿亦欲爲之箋釋晦若固同居
離亂日日過從者也楷恐因循遺失亟開雙雨樓召八
人鈔寫督以陳鐵生四日而竣爰付排印書厓略如右

五月十一日楷謹識

高給諫日記卷一

瀘州高枏激



五月十五日城外殺多人 永定門殺杉山賓街民狂奔 剛毅何乃瑩到涿州

十六日燬海岱門教堂 劉夏先言當走答以路賁不易家小出去亦無安頓處 午後赴高廟吃茶

十七日燬順治門內門外教堂 端府召見各師兄團由是張揚街市 聞車駕將還宮 董守榮府榮守西苑 午後同子安仲舒審台吃茶 夜聞燒東江米巷鑲外人極多

十八日據東江來卷則十七夜所聞全虛謠言幸災如
此 子厚來商雇人聯保事 下午孟甫來商眷口
行止事擬急則赴涑水鄉開遠則不能走矣 夜與

三女信 吳修士來

十九日晨有團民帶傷血被面歸過門外者聞以續燒
昨日教堂有外兵三十餘人以鎗傷之 外兵十七
已據長安街橋自保使館 內城十六夜一起至今
夜夜鬧攘夜夜戒嚴 研孫送眷過大同 四下時
于晦若來示我何潤甫涑州來信十五日發言去時
在良鄉已解散拳民謂在涑時楊統領名福同所帶

兵皆洋裝誤爲洋兵遂與角楊又開礮故傷之涿州
拳民四五千已將解散後又來山東老團六七千人
似頗有難解之勢何言受國厚恩尙須費不爛之舌
勸解之謂其吃小米苦鹽持戒甚嚴故無擄掠語多
騎牆而偏於難解一面蓋亦以爲危也且謂天不雨
恐成流寇潤甫以洋裝致誤意在輕輕巧巧消去戕
官二字晦若言今日九城皆閉片刻適順治門閉虛
一縫許紅抹額者人不許平人入或恐國民激怒洋
兵不免有玉石不分之處或曰洋兵來者不過一二
千且廣東未見此舉何至施及京城 剛毅由涿州

回至良鄉慫拳拳謂已見上諭不敢肆剛曰上諭不
要緊 未晚送邸鈔上諭以拳匪在內城焚燒殺人
日夜數驚命九門提督會同神機營虎神營武衛軍
一體嚴拏遇有持械喊殺者卽送提督正法諸王則
以慶王冠首貝子等守城陳侍御同五城辦理折拳
匪各棚五城先曾聯名上摺謂宜拏辦不然延染一
寬不勝拏矣內廷寢其奏而罵爲糊塗 夜接硯生
函謂眷以早出京爲妙渠非輕於去就云云 夜聞
北河土匪劫人殺人於村

二十日晨過武衛軍分紮城門

連日謠言有日將幸

五台已派剛往修行宮者有謂調馬玉崑爲打洋人
非打拳民者有謂董軍仇洋不可用者 午過喬宅
出街口見東北煙起聞是琉璃廠洋油店入喬寓見
少南在彼正寫條陳則中城要者蓋雖奉旨尙無辦
法以神機虎神不可用董軍不聽用須宋軍到乃可
辦 洋兵有三千餘由津來均於今明日可到 剛
相歸言不能解散初何言之太易 少南言董與拳
通拏卽致變一駭 王枚岑作摺令濂貝勒上封事
謂拳可滅洋中國伸威在此一舉 燒大柵欄西河
沿前門樓歸見煙尙熾由柵欄延燒過廊坊胡同往

日不延平人今日不然聞有某店以洩瀝之其法既穢故止之不能燒 榮慶端瀾意見尙不相合 貝子貝勒皆大哭非哭殺燒之起於京城乃哭昨日上諭之將拏團也 晚在門口北望順治門內煙衝油油然聞直至江民巷矣 後聞有謀亂大猾欲乘機燒大內不料火勢入前門折而東豈非九廟之靈榮在內謾罵曰這些王八旦要把義和延入京謂其能打洋人鬧得如許爛王夔公勸曰現在但須先清內匪榮曰一言難盡榮調董紮萬壽山董不聽調言面奉懿旨紮城門且以言抵榮 聞密旨調袁與合

肥去矣不知能急至否後又止之以其深惡團也

二十一日清晨汪金波同王石孫任少梁至言天宇號
謙興號昨夜已劫并稱趙翼翁言學堂公項凡家眷
可走者均挪以行予曰事有輕重時有緩急所言極
是乃同石孫到存義囑取現銀并津滬兌數取銀信
皆交汪縵卿路上尙見紅抹額紅帶而持刀者數人
又一人與甘軍一勇同行街邊似甚暱者 取存義
公項三百五十元與趙翼之甘少南任少梁王石孫
總摺存義留以停支也 少南言朱古惟以使館當
保護勦撫兼施大碰聞此二駭 午少南來言昨日

密諭剛相董軍門招募拳民後尙有橫行者則勦之
又言朱古惟昨日召見以釁不可開拳不可恃觸怒
歸遂行 謂待馬宋軍來必與外人快一戰以賠不
勝賠懣氣不少也聞此者皆知其不可迫欲南行孟
甫子厚則聞通州無船無車不欲行七兄亦以小孫
無乳且天熱不欲行予則安心在此禍福聽之王萍
三言明日十點後便不能行 又聞那桐昨日廷議
時老佛爺指天上煙痕曰你看這樣如何辦那桐曰
須先保使館而後勦撫兼施曰洋軍要來你能阻之
否曰能還有許景澄亦能乞同派往乃向使臣言傷

教民中國自有辦法燬教堂自然要賠况此次我國
燒去精華尤多我二國幸未決裂何不阻止天津來
兵聽我們自辦乎聞使臣口有活動氣 聞今日又
遣許赴津阻兵去矣 少南來其眷明日仍行各眷
不能走以聞天津梗阻少南不信挽寫存義信挪公
項二百明日伊着人往存義要號信金波來問晨間
何故允之據言王任今晨往其家告以故約之同來
金波來時少南在此 連日兵來皆入內城

二十二日黃紹延來言必決戰房山北山無米菜房屋
但廟之兩寮皆壞者也聞仍欲與洋人決裂并有迎

頭痛勦之密旨 宋芸子來欲在盧溝橋招募百人
或五十人自練一隊鄉人移眷往兩口糧棚公項欲
存義按時擴用恐難又鄉人移往者佃房吃食之費
亦恐無出孟甫來則言不走宋慮決戰致怒開花礮
轟入城 王言如絲乃不令人信而且啟其疑卻非
佳事 徐子珍來言西什庫前日傷拳十人遂未再
往又言極餒諸形恐其不擊自散甘軍亦恐難鑒早
年間其主者善鑽營焉有鑽營而能威猛者 東麟
堂壇已避向簞子小胡同東單牌樓有一壇有私送
信於洋人者洋人去而遂走

二十三日下午大雨到夜 又聞津警 煥如在街見
一老道精神甚旺服紅緞衣畫八卦於上有童兒四
對叉其刀而負於背拳匪從者五六人人轟傳曰老
團來矣 黃老二過昌平覓住屋 下午余子安來
始知子厚太太已往夜孟甫來勸勿候黃二回而叫
車速往 夜告老六以崇禎諸語

二十四日雇車五輛價十五兩二錢送三媳諸女等過
昌平 鎗殺德使臣 拳燒東江

二十五日德先同七嫂過昌平 十三姪於十六日曾
挽我寫字存義擲瀘館款二百我寫一百十三遂樞

及是乃知號窘周十三過存義還伊洋元一百又還

伊津滬兩信交靜山手

蕭士修同蒲某持芸子信

奐如字

公歟練團

金波子南信

子南囑取公歟百金與蕭

丁衡甫言團

民與董軍夾攻使館甚銳

夜接申甫信言部復未

到司 十號寄九弟言移家昌平

二十六日敏先回自昌平

晦若來

二十四夜始攻

東江米巷

夜萍三子厚孟甫來商送眷歸川事皆

以兌數不能到京爲難

有言團民實能避敵畏見

婦女

夜攻西什庫

夜不寐

二十七日又過存義晤仲華

孟甫來言局勢尙穩夜